





Аллагълис шукру бирен

Вирххерхуси иманагарси адам чеибхели – шукру бирен Аллагълис , хлед Сунени гибси иманнис. Зягипси яра чулахъси чеадли – шукру бара хлед арадеш гибнилис. Багъуди агарси чеадли – баркаллагъ ирен, хлуни багъуди каснилис. Селра агарси мискин чеадли – шукру викен Аллагълис  хлед лебдеш гибнилис. Сукъурси чеадли – шукру бара, хлед Чевяхилли гибси хлулбала шалалис. Пянциси чеадли – деза бара Аллагълис  хлед бикъни багъандан. Алавчарли хлеризи, сецад адамтала агарал хлед Аллагъли  гибтицад нигматуни ва шукру бирен.




ДехИбала

ЦадехИ дехИбала дархъдаталли, Къиямала бархИи Жагъанабла цАализив адамли 80 дус дуркИу! Рахли ца бархИила шудехИ дехИбала уркалалли, 5x80= 400 дус. 31 бархИила ца баз халбарили, илди бурхИни дяхъялли дехИба лугИилизи ва Жагъанаблизирги дусмази бетарули саби:



31x5=155 дехИбала
155x80=12.400 дус.

Къиямала бархИила ца бархИи иш дунъяла 1000 дусличи цугси саби.

Пикридухъеная хлуша, дехИбала дарес гъмадли саби, илцадхИи Жагъанабла цАализив виэсил.

Аллагъли  буриб Къуръаннизиб: «Хлушани гъанбуршая, гъанбушнили бусурмантас гъяхИдеш лебху».

Сагаси мижит абхъиб

Ишдусла февраль базла 12-личиб, Дахадаевла районна Цураи шилизиб сагаси мижит абхъиб. Ил мижит абхънила сабабли районна имам Гябдулхиямид Исмягиловли ил шила шантала кумекличил мажлис дураберкиб. Мажлислизир бутлакьяндеш дарес баклиб Дахадаевла районна шимала къадни, Ахъушала шила мижитла имам Гябдуллахияжи ва цархИлти гъяхИли. Районна имамли Цураила шила шанти ва баклибти гъяхИли илгъуна мягъничебси анцбукъличил му-баракбариб. Сагаси мижитлизир гъяхИти сабабтасцун багъишладарибти мажлисуни, мавлидуни, жумягъла дехИбала ва цархИлти Аллагъ  разивирести далдуцуни дурадуркИниличибирхауди бирхъниличила буриб. Идбагли сунела дурхъаси хИядислизиб бурибсири: «Чили тлашбаталлира мижит арцанна пукъацадра, Аллагъли  ил адамлис Алжанализиб хъали биру».


БЯХИ 2

Салат аль-фатихИ

«Аллагъумма салли гъаля саййидина Мухаммадиниля фатихИ лима угъликъа вальхатими лима сабакъа насыриль хлакъкъы билль хлакъкъы валгъади иля сыратыкаль мустакъым ва гъаля алигъи хлакъкъа къадригъи ва микъадаригъиль гъазым».

Салаватуни чумра журала лерти сари. Гьегъити номертазирра нушани илдачила бурехИе. ИшбархИи бурес дигулра Салат аль-фатихИличила. Салат аль-фатихИ цайналра белчИунси адам Жагъанаблизи вирххерку. Цайна белчИи ил вебкИбсила рухличи бархъаалли, 40-бархИи илис гъязабти



чехИеди. ХИябал салават делчИалли илис гъязабти бекИлил хИедирар. Лерил балгни, дехИбала, дугъя, азкарти делчИалра илди цугхИедиркур Салат аль-фатихИличил. Илцадра къимат халаси саби. Ишар гъанхИе душибтиргъатИира дахъал гъяхИдешуни лер. Илала дурабадра, ахИерти динна узбирубли, хъуммартидая, гъар нушани барибси гъяхИдешлис яра белчИунси балгалис Аллагъли  вецинадли керимцабируси сай.

ЗухИа – дехИбала



БЯХИ 4

Мухаммад Идбагла суннаби



БЯХИ 5

Хъунул адамли дехИбала дирни-ла хасдешуни



БЯХИ 7

Сагаси мижит абхъиб

1 « Илкъяйдали шила шанти илгъуна гяхъси анцбукъличил Ахъушала шила жумягъла мижитла имам Пябдулла-хяжинира мубарак-бариб.

- Шила мижит севан жагаси би-алира, ил жагабируси къаркъубани ахлен. Ил жагабируси жамигъятла дехлибайчи башути адамтани саби, - баянбариб Пябдулла-хяжини.

Мажлисличив гъайухъунси Кудугула шила мижитла къади Мухаммад-хяжини ахирличир жа-гъилтас насихъятла дугъби дуриб:

- Нушала дурхъаси Идбагли ☞ бу-рули саби хяйдислизиб: «Хушани мяхкамдарая шел секлал, шел цархилти даклайчи:

1. Жагъдеш - ухънаваайчи;
2. Арадеш – зягипвикайчи;
3. Давла – мискинвайчи;
4. Акъуси замана – вархайчи;
5. Пямру – вебклайчи.

Мажлисла ахирличиб лебил адам-

тас, хаслира ил дебали жагаси мижит ташбатуртас, камси биал-ра, арцли биаб яра цара журала хянчили биаб кумек барибтас ва лебил бусурманти гъанбуши-ли балга бариб. Идбагла ☞ хяйдис леб: «Адамтас шукру ва баркаллагъ хлебалахъуси адамли, Аллагълисла ☞ шукру ва баркаллагъ хлебалахъу» - ибси.

Ахирличиб районна имам Пябдулхямид Исмагиловли де-бали халаси баркаллагъ багъахъ-ур лебил шила шантала шай-зибад ва районна жамигъятла шайзибад, уркухъан Ибрагъим-хяжи хяжимурадвалис, суненира Аллагъла ☞ хъали бирухъели деба-ли халаси кумек барибси.

Илкъяйда диннис кумекбируси сунечивад Аллагъ ☞ разивиаб ва лебилра бусурмантачивад. Амин!

НУШАЛА КОРР.



Халифунни

Абу Бакр Ас-Сиддикъ

Пямрула баянти

Абу Бакрли ☞ вачар бузахъусири. Ислам дин кабизайчира илини я держ-ла бужуси ахленри, я къанжанас (идол) улгуси ахленри. Илис гярабунала на-слу ва тарих гяхил далусири, муэр-ти баяндируси пагъму лебсири. Абу Бакр ☞ сахаватдешличил, гяхити хял-тлабигъятличил декларулхъусири ва мур-талра къияндикибсилис кумекла някъ гъабалтусири. Ил валутани илала хала-си хурмат бирусири ва гякълу-насихъят глебурахъес дугъабилзутири.

Ислам кабизайчира Абу Бакр ☞ ну-шала Идбагла ☞ гъамси юлдаш виру-сири. Бегъ гъалав бусурман дин илини сайри марбарибси ва Идбагличи ☞ бир-хауди бихъибси.

Аллагъла Расулли ☞ сай дугели за-клизи ацнили хабар бурибхели, къу-райшитунни бирхълеурли, гясибиубли Абу Бакрличи ☞ баклибтири. Илини бурибсири, Мухаммад ☞ или викъули гъергъи, ну иличи вирхулра, ил бархъ-си саби, или. Илала гъергъи илис ас-Сиддикъ у бихъибсири, сабира хлекъдеш марбиран ибси мягъна бухнабуцибси.

Бусурман дин кабизурхъейчибад бехлихъили Идбаг ☞ вебклайчи илди мурталра барх бирутири. Мухаммад Ид-баг ☞ илала рурси Пяйшачи хъайчикай-ибсири. Идбаг ☞ викъусири: «Аллагъли ☞ дила уркъилизи се кабихъалра, ил нуни Абу Бакрла ☞ уркъилизира кабихъира». Илкъяйда ил Аллагълис ☞ уркъили зикр бирахъесра бурсиварибсири.

Исламла тарихлизив Абу Бакргъуна ☞ сахаватси ва бусурман диннис пай-далласи цалра хейуб. Илини вецнадли лугъри азадбалтусири ва сунела лебдеш ислам дин кабизахъес багъандан харж-барибсири. Идбагли ☞ илхели илизи хъарбаибсири: «Се гълаб батурри хуни хъела хъалибарглис?» Илини жаваб бе-

диб: «Илдас нуни батурра Аллагъра ☞ Илала Расулра ☞».

Илала гъабзадешлис ва сахаватдеш-лис бикъри хъера ишди балгала дугъби: «Я дила Аллагъ ☞, наб га халаси чарх, лебил Жагъаннаб кпапбаресицад, лебил танби х цархилтас хлебиубли набцун биэсли».



Абу Бакр ☞ динна бек(халиф) ветаурхъели цалра анцбукъ кахъекиб разиагардеш ва къабулагардеш биуб-си. Цалра адам туснакълиси хейкиб. Мухаммад Идбаг ☞ мицирхъеливан ил вебкили гъергъира Абу Бакрли ☞ сунечи хъарти хянчи ва тлалабунни къайгъичерли тамандирусири, хала-тачи ва биштгатачи ряхъму ва уркъецди дакдудирусири.

Бархъдеш дигни

Гъачамра вачрукъя сайлин, ил ба-зарличчи аркъули чеили асхябтани хъарбаиб: «Ва халиф, чина аркъули, хукулун бусурмантас бекдешдарахъес

чеввикибсири?» «Базарличчи, нуни хъалибарг секъайда бахиша гъатли?» Илдани илизи буриб бусурмантала ар-цлизибад илис алапа кабизахъурли бир-ниличила.

Илис кабизахъурсири дусли 250 динар (мургъила арц) ва мазала хамха-ла бутла. Ил халифла хъалибарг бахес багъандан камли битъни аргъили, Пумарли ва Пялини 300 динар-личчи ва ца мазала хамхаличи абикахъибсири. Илхели мижит-ла мимбарличчи ацили, Абу Бак-рли ☞ учибикитгази хъарбаиб-сири, къабуллил илди ахленал илгъуна хукумуличил. Лебил бу-сурмантани иличи къабулли битъ-ни аргъахъибсири, сенахленну асхябтас дигулири ил бусурманта-ла уммализишун пикириикъули.

Халиф ветаайчи илини унра цуръабас мазни изахъес ку-мекбирусири, халиф ветаурли гъергъира, шагъарлизи гечийчи кумек даимбарибсири.

Гъарил Шаригъятла хукуму бирухъели, Абу Бакрли ☞ ил Чевяхъси Аллагъла Къуръанничил ахтардибирусири. Мухаммад Идбагла ☞ Сунналичил цугбурцусири, илабра жаваб хебиалили, асхябтази хъарбиусири. Рахли сунни арзес хейруси масъала биаллири, уммализибти гялимти учибяхъили, илдала кумекли-чибли сунени хукуму дурайсусири.

Пурхъели бусурмантала динна гялимтани, иличибад гъибрат касили, илгъуна тяхъяр-къайда пайдалабарили Шаригъятла хукуму бирусири.

Халифла вягъза

Ца гъачам вягъзаличиб илини бу-рибсири: «Ва адамти, марлира, нура хушагъуна адам сайра. Хушани наб-зибад тлалаббарес асубира Мухаммад

Идбагла ☞ ахърилизибсигъуна. Аллагъ-ли ☞ Мухаммад Идбаг ☞ лебил адам-тазивад чеввикили бунагуназивад верцахъибси сай. Ну биалли Аллагъла Расулла ☞ гъунчивад вашусира. Рах-ли ну Шаригъят хясибли вашасли наб гъеларад даширая, хатгаиркули виасли, ну вархъварабая.

Дугели ва херели дигъянати секлал детарули сари, хушани аргъес хедизети. Илдазирад хуша дерцес дир-удая чъанкъли Аллагъла ☞ кумекличил-цун. Халаси къайгъи биреная гяхитицун баркъудлуми дирес, бекла сабаайчи ва хушала баркъудлуми тамандийчи. Беккличила хуммартидая, ил хабара-гарли глебуи.

Аллагъли ☞ къабулдирути баркъуд-луми, чъанкъли Сай багъандантани сари. Гяхити баркъудлуми урки-уркъилирад дарибти хушани дургидая, бегъла ил-дазибад хушаб хъажатдеш лебси бархли.

Ва Аллагъла ☞ лугъри, пикиридухъ-еная хушаб гъалаб хъербирули калунта-чила, иш дунъя бархъбатуртачила.

Чинаба гъанна итди пачни, иш дунъя-ла хужайити? Илди агара, Чевяхъси Аллагъли ☞ илдала хулуанира пяхли дуахъун, бунагъуни биалли илдачил ка-лун. Илдани чукурбарибси иш дунъяла мас цархилтас калун, чула баркъудлу-ми биалли чус. Илдачила пикиридухъи хушани гяхъси гъибрат касадали, адабчерли ва иманчерли хъердирадалли хушаб берпуди бирар.

Чинаба хушала бегъти ва узби? Таманбуб илдала гъамрула гъуни. Ил-дас кумекли дласти чъанкъли илдала баркъудлуми сари, беккала гъергъи яра талихли яра балагъли урдлухъути. Агара камси биалра гяхъдеш Аллагъла ☞ уркъецличил ахленси. Балагъ чебар-бику чъанкъли Аллагъли ☞ чебаахъибси бирнилицун ва Илис мутигъдешлицун.

Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана	Главный редактор Азиз МИЧИГИШЕВ	Менеджер Абдусабир АХМЕДОВ	При перепечатке ссылка обязательна.	Тираж 3 150 экз. Адрес редакции 367027, РД, г. Махачкала, проспект Акушинского, 5-я линия, 19. Телефон редакции: 8-928-530-59-70.
Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ	Редактор Наида ГУРУЕВА Канонический редактор Дауд ГАСАНОВ Корректор Наида ГУРУЕВА Дизайн, вёрстка Мухаммад МУХИДДИНОВ Иса ОМАРОВ	Газета зарегистрирована Федеральной службой по надзору в сфере связи, информационных технологий и массовых коммуникаций. Свидетельство о регистрации ПИ № ФС 77-42079 от 24 сентября 2010 г.	Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20. Заказ _____ Сдано в печать: (график) 28 февраля 2017 г. в 15:30 (факт) 28 февраля 2017 г. в 15:30	По вопросам подписки и доставки обращаться по телефонам: 914-222, 8-988-291-42-22. e-mail: assalamweb@gmail.com; www.assalam.ru

Къудратла вегІ Аллагъла пергер уми

8. Ал-МУГЪАЙМИНУ

Сунени аклахъубти дихІян, илди къелгІердикан, сунени аклахъубтас гъар секІал диран, илдас замунти кадилзахъан, илди дихІян Ил сай. Сунени аклахъубтала баркъудлуми къелгІердикан, илдала гІямрулис гъуни чебиахъанра Ил сай.

Ил уркіли аргъибси адам мурталра Аллагъличи разили ви-рар, илала къасличи къаршили дурахІелхъан ва сегъуналра анцІбукълизив Илала гъайличивад чевхІелхъан.

9. Ал-ГІЯЗИЗУ

Къуватла ВегІ, удихІеркуси, чевяхІдешличил декІарулхъуси, цІакъсигъуна, мутгІигІейкІуси, бегІлара чевяхІси. Сунечил цугси яра сунечи мешуси гІур селра биэс хІебируси, сунечи халаси хІяжатдеш лебси. Къудратла ВегІ Аллагъ ца сай, илала гІялмагъуни лебти ахІен я илдачи хІяжатдеш лебси ахІен. Амма нушазивад цалра Иличи хІяжатхІейкес хІейрар.

10. Ал-ЖАБЪАРУ

Халаси къудратла вегІ, пасихІдешли гъар секІал алавдуцибси. Гъар секІал илала къаслизираддигахъуси. Илала къас бетхІеберхурли кавлуси ахІен. Сунени аклахъубси гъар секІал мутгІигІдиран. Сай биалли чичилра лехІихъуси ахІен ва чилра Илала арилизивад ухъес вируси ахІен. Илала ихтиюрти дугес дигути зулмукарти илини мутгІигІбикІахъу. Илини лебилра бекІалис мутгІигІбариб.

11. Ал-МУТАККАБИРУ

Гъарли-марси чебяхІдешла цацин левси вегІ. Гъар секІайчив чевяхІси. Сунени аклахъубти сипатуначив чевяхІси, илди сипатуназивад умуси. Сунечил цугдугубхІели, сунени аклахъубти сипатуни селра ахІентили чедиуси, сенкІун Ил сай ахІенси пахрубирниличи лайикъси левси ахІен. Илини пахрубирули сай сунесцун ахІенси аклахъес асубхІебирниличи, сунела хъарбаркъ уббахъес вируси агниличи. Сунечи

хамли гъамбирути илини лебилра дарбядягъинбирули сай.

Ил у мурхъли аргъибсили Аллагъли аклахъубтала гъалар хамдеш чехІедиахъу, сенкІун къяркъдешра бархъагардешра – вегІли вегІ ахъурцила лишанти сари. Къяркъдеш Аллагъла лугърачи хасси лишан ахІен. Илди чула вегІлис мутгІигІтили ва



иличи лехІихъутили биэс гІягІнити саби.

12. Ал-ХАЛИКЪУ

Гъар секІал лерси тяхІярли чедиуси, илдас гІибратуни хІедургули, сунени аклахъубтала къисматуни белгидируси. Сунес дигути аклахъес вируси. ИлхІелира селра агарли биаллира. Устнира илдала устадешра аклахъубси, санигІятуни белгидарибси, гъар секІайс умцла кабизахъурси, илди аклахъес гъалабал илдас лишанти дедибси Ил сай.

13. Ал-БАРИГЪУ

Гъар секІал алкІахъан. Сунела

къуватличил гъар секІал аклахъубси. Ил – алкІахъан сай, гъар секІал Илини сари аклахъубти сунени белгибарибси тяхІярли. Ил барес багъандан Илис сегъуналра къиян кабихъес хІяжатбиркуси ахІен. Илини селизи биалра «бетаи» ирули сай ва ил бетарули саби.

Ил ула мягІна аргъибсили сай

дунъялизивра итил дунъялизивра чевурхуси. Пергер лишанти чедаэс вирутили детарахъуси, сунела лугъри пергерти бетарахъуси, илдазирти нукъсандешуни дигІяндируси. Илини илди нукъсандешуни иш дунъяличирра дигІяндиру, итил дунъялизирра илди багъандан бунагъуни чехІедирхъу. Илини адамлизирти, ил чеэс жагаси виъни багъандан, илизирти нукъсандешуни дигІяндариб. Илини чесиб сунечи дугъабизуртазивад чи пашманиубли виаллира сунезирад кадикибтачи, илдачивад чевверхес. Вайти баркъудлуми гІяхІтачил дарсдарес чесиб.

Ил ула мягІна аргъибсини сунезирти лерилра нукъсандешуни ва цархІилтала нукъсандешуни дигІяндиру, илдачи чевурхули гъамирули.

16. Ал-КЪАГЪГЪАРУ

БекІдешдируси, хужаимдеш дируси. Сунела къудратличил аклахъубти лерилра секІал мутгІигІдируси. Сунени аклахъубтази сунес дигахъуси бирахъуси, илдас дигниличи яра хІейгниличи хІерхІеили. Сунела къудратли гъар секІал мутгІигІдакІахъибси.

17. Ал-ВАГЪГЪАБУ

Савгъатдируси. Сунела лугърас гІяхІдешуни дируси. Сунес селра тІалабхІебарили гІяхІдеш бируси. Тиладибарайчи хІерли кахІейили, хІяжатти секІал лугуси. Сунела гъар секІал лерси. Сунени аклахъубти гъар секІал хІяжатти секІайчил гІердурцуси, илхІелира сунес селра тІалабхІебирули. Илгъуна къиликъ гІур чизибалра лебси ахІен ва бируси ахІен, Къудратла ВегІ Аллагълизиб ахІенси.

Ил ула мягІна аргъибси адамли гъар секІал Аллагълис къуллукъбирниличи дяхІчиу, сунес селра тІалабхІебирули. Илини гъар секІал Аллагъ разивиахъес дирули виар. ХІяжатдеш лебтас илини кумекбиру, сунес селра тІалабхІебирули.

Исламла календарълизибад

Пикридухъеная

Гъарил бархІи – ЧевяхІси Аллагъла ﷻ савгъат саби. Хъуммартид иличила челякъбкІаличила паргъатагарти ва къакъати пикрумазив. Арбьякъунсиличила децІ, шишимала ураса... Ца Аллагълицицун ﷻ хъарахъи ва гъаладяхІ вашен!

Дурхъаси хІядислизиб бурили саби: «БегІлара Аллагълис дигути сари ишди авал гъай: «СубхІяналлагъ» («Аллагъ умуси»), «АлхІамдулиллагъ» («Аллагълис деза»), «Ла илагъа илла Ллагъ» («Аллагъ цацин сай левси»), «Аллагъу акбар» («Аллагъ ЧевяхІси»), чидилличивад вехІихъадра хІед гІяхІдешцун бирар». Баахъибси (Муслим).

МухІяммад Идбаглизи ﷺ хъарбаили саби: «Алжайзи вikes багъандан се сабабли бируси?» «Аллагълизивад урухІни ва гІяхІти хасиятуни, адаб-



деш», - буриб илини.

Пур хъарбаили саби: «Адамти Жагъанаблизи биркнила сабаб се саби?» «Лезми ва гІаврат», - сабри жаваб. (Тирмизи, Ибн Маджа).

ЦацабехІтала къяшми агара, дехІибайчи кабизес багъандан, цархІилтала някъби агара, дугІя барес, цацабехІти гъайбикІес хІебалули

«Аллагъу акбар» ирес бирули ахІен, итилитти мицІирли агара уркіуркілабад сужда барили ванзаличи анда чекабаахъес...

Амма леб саби мицІирлихъалли, уркіби дебкІибтира...

БекІлала малаик викІар: «Ну бархІили шуйна ва дугели шуйна адамтала дяхІла хІерикІусира илдала сятІят сабаилил багъес багъандан». (Табарани).

Ца давлачевлизи хъарбаили саби: «ХІу секъяйда давлачеввиубсири?» «Наб бакъира хІядис: «Садакъа бирусила лебдеш гъатІира имцІабируси ибси ва Аллагъличил ﷻ абзикара», - буриб илини. Нуни садакъа бедира, Илини биалли наб гъатІира имцІабариб, нуни бедира, Илини гиб... ва ахирличив ЧевяхІси Аллагъ че-дикиб».

Зухла – дехлибала

Суннат-дехибулти

Зухла-дехибала ди-руси замана берхли габбакниличибад бехлибирхъуси саби (хъар заклизибад берхлила къяжа 3,5 метрла ахъбиубхлейчибад). Илди дехлибала дируси замана таманбируси саби хлери баибхлели, хлереисла дехлибала дируси замана баибхлели.

лугли - 12 саби. Мухлямад Идбагла ﷺ сунна хлясибли жутти ракагатуни диэс глягнитти сари. Дехлиба бехлибихудличиб цаибил ракагатлизиб «Ал-Фатихля» суралис гьегъи «Аш-шамси» ва «Ал-кафирун» сураби дучлугти сари, кляибил ракагатлизир биалли – «Ал-духля» ва «Ихлас». Илис гьегъити цаибти ракагатуназиб «Ал-кафирун», кляибтазиб – «Ихлас» дучлугти сари. Зухла-дехибала мижитлизир дирни гляхиси саби, амма хъулирра дарес вирар.

ли гьегъи иш балга бирахъес маслигъитбирули саби:

«Аллагъумма инна духаа духаука валбагъаа багъаука, вальжамала жамалука, валькъуввата къуватука, валькъудрата къудратука, вальисмата исматука. Аллагъумма инкана ризки фи ссамаи фанзилгъу, ва ин кана фил арди фаахрижгъу, ва ин кана суассаран фаясиргъу, ва ин кана хлараман фатагъгьиргъу, ва ин кана багъидан фикаррибгъу, бихлаккъи духляика, ва бигъаика ва жамалика, ва къувватика, атинмааттайтагибадака ссалихлуна».

Мягъна: ва дила Аллагъ ﷻ, иш зухла замана саби – Хела замана саби, Хела гляхидешунала замана саби, Хела жагадешла замана саби, Хела цлакъла замана саби, Хела къуватла замана саби. Ва дила Аллагъ ﷻ, ит заклизив ну чула вегъ ветаругти ряхлму ва давла, - хлуни илди ванзаличи дархъаа, ванзаллизир диалли илди чеди дураа, илди къадагъадарибти диалли, асудиругти детахъа, гъарахъли диалли, илди набчи гъамди-ахъа.

Хела кабизалачебдешла ва жагадешла, хела цлакъла ва къуватла пай барес асубируси биалли, хлед мардеш дирути лугърасгъуна пай набра чесабаахъа.



Иганат биклуси жузлизиб бурили саби гьегъиси балга бирни къулайси бирниличилара:


«Рабигъфирли вархлямни, ва туб гъалайя иннака анта ттавабурряхлим» авцъайна яра даршна ирес маслигъитбирули саби.

Хлядисуназиб тинтгли бурили саби зухла-дехиба къулайдешуначила. Масала, илдазибад цализиб бурили саби, (ил нушачи «Авсат» биклуси жузлизиб Табранани баахъили саби Идбагли ﷺ ишкъяйда иб «Алжанализир Зухла биклугти къапуглер. Къиямала бархли Аллагъла ﷻ шайзибад малаикли балахъу: «Эй чинарра хлуша, Аллагъла ﷻ лугъри чекадизурли Зухла-дехибала дирути? Ишди хлушала

къапуглери, Аллагъла ﷻ ряхлмуличил хлуша илдазирад адацъиря!»

Ибн Мажихли ва Тирмизили гъандушибти хлядисуназиб бурили саби: «Даим Зухла-дехибала диругтала бунагъуни умудиругти сари, хлятта илди урхъула хъамхъализирти пушягълуницад лерли диалра». Илини иргъахъули саби, лерилра кам-гъамти бунагъуни урисугти диъни. Адамла 360 лига лерти сари. Илди биркълугти цализи ца дархъяхъибти сари. Гъарил лигаличи ряхлму чебетиуси саби. Къел ракагъатла Зухла-дехибай илцад мер бурцуси саби.

Зухла-дехибала хледарили уркалахъи диалли, илди уркалахъунти къяйда черихъни гляхиси саби.



Зухла-дехиба бегълараманти ракагъатунала лугли къел саби. Илди ракагъатуни авал, урегъал, гехъел даресра вируси сай. Бегълараманти


Илди дехлибала дируси мерличиб, дехлибала дируси замана дурхъали чебиугли саби.

Зухла-дехибала дари-

Тамашала

Базличиб азан

1969 ибил дуслу 20-ибил июльличиб америкаланта-ла космический корабль «Апполон-2» хлябал астронавтичил Базличиб каби-иб. Цаибил адам, Базличиб увяхлугъунси сайри Нил Армстронг. Илис ва илала къел юлдаш – Олдринглис ва Коллинглис Базличиб лебхлели ца секъал чебаиб, сабира гъаргъяхъибси жузличиб мешуси. Гур биалли тамашала «макъамти» дакъиб. Илдани иличила Ванзаличи багъахъур. Ванзаличиб бегъ гъалаб бирххлеур: чинад диругтив Базличир жуз ва гъава агарси мерлар музыка? Амма «музыка» Ванзаличир радиосвязь



хлясибли дакъилри, «жуз» биалли пленкаличиб касилри. Гур илди материалти дигъанатили детаахъур.

1983-ибил дуслу февраль базличиб, илди анцбукъуни кадикили 14 дуслу гьегъи, астронавт Нил Армстронг Египетлизи гилмула конференциялици вакъибсири. Ил замана белчлун азан, тамашавиубси Армстронгли хъарбаиб: «Се макъамти сари илди?» Конференцияла бутлакъянчибани аргъахъиб, ил бусурмантала дехлибайчи кабизахъес ируси жи саби или. «Итгъуна гъамануни Базличиб къяш кацъибмад бакъира... Нуни илаб балга хлебарибсири, гъанна ну улгас, ну гъанна бусурманнизи халвараба...»

Илкъяйда америкалан астронавт Нил Армстронг бусурман ветаурсири.

Гурхъели сириялан НАСА-ла хлянчизарли пленкаличиб делкълугти Ванзалара астронавтуналара гъагъала адамтази дагъахъурсири.

МухАаммад Идбагла ﷺ баракатла хъунри

(БехАибхъуд арбъакъунси номерлизиб)

РайхАнат

РайхАнат Зайдла рурси, Идбагла 13-эсил хъунул сарри. Бану-къурайзла къамличил дяви бетаурхИели ясирбуцибтачил рарх жагаси хъунул адамра лерсири. Ил сарри РайхАнат. Илизи ислам дин къабулбарахъес бурибсири, амма ил къабулхИерикиб. Илала гIергъи МухАаммад Идбаг ﷺ иличи вакИиб ва буриб: «ХИуни Аллагъра ﷻ илала Расулра ﷺ декIарбарадли, Аллагъла Расулли ﷺ хIу сунес черриркъури». Илини жаваб бедиб: «Нуни Аллагъра ﷻ илала Расулра ﷺ чеббиркъулра». ГIур СагIлаба ибн Саайа вакИили Идбагличи ﷺ разиси хабар хиб: «РайхАнатли бусурмандеш чеббикИиб».

ИлхИели МухАаммад Идбагли ﷺ ил азадатурсири ва иличи хъайчикайибсири. Магър саблин (магърла мас) илис 44 мургъила грамм дедибсири. Илини сунела цархИилти хъунри къяйда илра рихАсири, ва кIапIли рашахъес бурибсири. Илини се биалра тилади баралри бирусирри. РайхАнатли хИжаб чегъурхИели, илала хIясаддеш акIубтири. ИлхИели Идбагли ﷺ илис цайна тIалакъ бедибсири. РайхАнатлис ил чекасес дебали къиянни уббухъун, илала хIулби бисали садеркIилри. Иличи гъаввакIибси Идбаглис ﷺ ил хIяйчир чераили, язихъризурли

чаррарибсири. Ил ребкИиб гъижрала 10-ибил дуслизир, хIяририхъибси сари БакъигI хIябрази Идбагла ﷺ цархИилти хъунрала мякъла.

рурси сарри. Илала цаэсил мурул Пябдуллагъ УхIудла гъазаватлизив кавшиб. Гъижра хIясибли 3 эсил дуслизир МухАаммадли ﷺ ил карииб. Илис

ли ﷺ ил БакъигIла хIябрази карихъиб. Хузаймала рурси Зайнаб нештIерси рузи сарри Маймунатла.

МухАаммад ﷺ вебкИили гIергъи 9 хъунул калун: Савда, Сафийат, Жувайрият, Умму-ХIабибат, Маймунат, Пяйшат, ЖакIшла рурси Зайнаб, Умму-Саламат, ХIафсат. Аллагъ ﷻ разивиаб лебилра Идбагла ﷺ хъунрачив.

Идбагла ﷺ бахъал хъунри кабиънилис дахъал сабабти лер: Ислам дин тIинтIбарни, декIардекIарти тухумтала къамани цахIнадирхъни, адамтази шаригIятла къанунти дагъахъни, хъалибарглизирти гIямру чедаахъни ва цархИилтири. Идбагли ﷺ сунела иштяхI хIясибли цалра хъунул кахIериб, динна душманти бикIули къяйда. Чум хъунул биаллира нушала Идбагла ﷺ Аллагъли ﷻ илис тавфикъ бедиб хъунрала ургаб царагъундеш биахъес. Лебилра илди халаси разидешлизиб сабри чус бикисни нигIмагIис.

Аллагъли ﷻ кумек бараб лебилра бусурмантас Идбагла ﷺ гIямрула гъуни багъахъурли нушачив разивиесли. Аллагъли ﷻ тавфикъра габ нуша илала гъунчирад дархъли дашахъес. Амин!



Зайнаб

Нушала Идбагла ﷺ хъунул, муъминтала неш Зайнаб Хузаймала

мискинтала неш или иру, сенахIенну дебали мискинтас кумек, садакъа бирес къайгъибирусири. Идбагличил ﷺ дарх илини 8 баз деркИиб, 30 дусличир гIямрулизирад шалгIеррухъун Идбаг

Динничила

МухАаммад Идбагла ﷺ суннаби

Ца хIядислизиб бурули саби: «Чили мицIирбаралра дила сегъуна биалра сунна, илини шабагъат кайсу ЧевяхIилла гъунчиб алхунти даршал адамлагъуна».

Ишар нушани цацадехIти суннаби хIушаб гъаладирхъехIе, сарира гъар бархИи дирес гъамадти.

ЖамигIятла дехIибайчи каби-зуртала къяшми ца къяйличир диэс гIягIнити сари.

Мурталра дазалаличил вирес. Бурули саби, Аллагъла Расулли ﷺ дазала дирусирри кайхъес гъалав, айзурхИели, гъар-журала балга дугIя дирухИели, хIяжатханализивад дураухъунхИели ва хъайгIивад дурау-ухъес гъалав.

Супелти къицIдирес.

Дазала дарили гIергъи шиннич хупIикес, КъиблаличивяхI кайзурли.

Дазала дарили гIергъи сивакличил къак умубирес.

ЖумягI бархИи къаркъала бирцили умудеш бирес, никуби къицIдирес, ибан тIуйчирад дехIдихъили.

ЖумягI бархИи садакъа буртIес.

Беркала «Бисмиллягъи рахIмани ррахIим» или бехIибхъес, «АльхIамдулиллагъ» или таманбирес.

Укес зела ца писличил вехIирхъес. Шин дужухIели кайили дужес хIяб-хIябал хупIичил. ДукарвирхIухIели ахъли гIяк-гIякхIейкIули, гIяшли дукарвирхIес.

Адамтачил малхIямли вирес.

Палтар ва дабри челгъухIели балуй шайчирад челгъес, алгъай шайчирад чердалтес.

ХIерила дехIибайс гъалаб камси



гъанкI ихъес.

ГемчбушибхIели «АльхIамдулиллагъ» ирес.

ВегI левси мер-мусаличиб умудеш бирес.

Гушвиайчи хIевкули уэс, камси букес. Дебали буцIарси беркала хIебукес.

Балуй някъли укес.

Укуси замана се биалра гIяхIиличила гъайикIес.

ВебкИибсила хъули беркала бихес.

Гъар бархИи тавбу дирес, «Астагъ-фируллагъ» ирес.

РукугIичи гIяшвиубхИели къакъ бархъли кабурцес.

Гъунчивад вашухIели бекI бара гIяшбуцили вашес.

Дабри чегъайчи илди пяхIдирес, иларти дигIян мицIираг дурадухъахъес.

Чичи-биалра шадив вакИибхИели хIяйна къутIдахъес, хъа вегIли пурбанбаралли хъайгIи ацIес.

ГIяхIти, умуги мераначи, балуй къяшличил айцIес, алгъай къяшличил дуравхъес.

Нясти, хIяжатханагъунти мераначи, алгъай къяшличил ацIили, балуй къяшличил дуравхъес.

ЖихI кабалтухIели тIашли кахIебалтес, жихIла чярхIдухъунти кIантIури багъандан хIябла гIязабти имцIадирухIели.

Гъаман иман сагабирес, сунела асхIябтази Идбагли ﷺ бурусири иман сагабирар «Ла илагъа илла Ллагъ» викIалли, или.

ХIябрачи вашес, бекIаличила ва бекIала гIергъити гIямруличила хъумхIертес багъандан.

КIел бусурман адам къаршибикалли кIелра някъли цала цали някъби дурцес, салават ирес.

АрхIяличи къукъяличил барх аркъялли, ца адам халал варили чеввикIес.

МухАаммад Идбагла ﷺ гъунчибад башуги бусурманти Аллагъла ﷻ ахъриличил мурталра бархъси гъунчиб бирар.

(БехИбихуд арбякъунси
номерлизиб)

Чархлизирад рухI деклардирни

Адам дахъал авара агарли, гIязабти агарли, рахIятли, вахъли инжитхейрули вебкIалли, мякълаб-тас гъанбиркур ил кункли вебкIиб, илала ахир сунечи мешуси, гIяхIси сабри или. УбкIуси инжитвирули чеибтас гъанбиркур илала гIямрула хъарахъуд вайсири или. РухI деклардиркнила кIиянти, бекIала гIязабти ва илдала къудкъудеш, идбагунира валибира халхIебаралли, мякълаб кIаршибикибтани хIебала, убкIусили ахIенси.

Нушала Идбагли **ﷺ** иб, убкIусила мякъла ца-лабикили малайкунани зигархейкъахъес ил урцу, или хIебиалли, асубирар убкIуси урухIес ва, хIулби хIердикIна гIавухъес. УбкIуси адам кам-гъамли вяшикули, цIумикIули, инжитвирули виалли, малайкунани ил бара ватухъахъи сай. Чи биалра бекIлил вяшикули хIейалли, ил малайкунани чIумали уцили сай. Аллагъла Вакилли **ﷺ** иб: «ХIушани убкIусила хIябал лишанничи пикри бяхIчиаая: андаличиб майъа дурабикни, хIулби нургъба садяхъни, къянкъуби дягIудиъни – илди убкIусилис ЧевяхIси Къудратла ВеГIла уркIеци гIеббIиънила лишанти сари. УбкIусила къаклизирад бубкIуси валрилагъуна хуръала дашули диалли, ранг цIубдухъалли, урIухъи алав-чар вякъилзалли, илди иличи ЧевяхIси Къудратла ВеГIла гIимидухънила лишанти сари».

Багъес пайдаласи саби «Бахъал гIялимтани иб: «ГIар даим сивакличил пайдалавируси адамлис бекIала гIязабти кункдирар».

БекIала изай уцибси адамлис дурес пайдалати дугъби.

Аллагъла Вакилли **ﷺ** иб: «УбкIусини, ишди дугъби дураб:

«Ла илагъа илла ллагъу валлагъу акбар ва лахIявла вала къуввата илла би ллагъиль гIялайийль гIязим», - иличи Жагъаннабла цIа къяхълебилкан.

Пурра илини иб: «Юнус идбагли **ﷺ** бурибси ЧевяхIси Къудратла ВеГIла чебяхIси уличила буришав? ЗягIипсини: «Ла илагъа илла анта субхIянака инни кунту мина звалимина», или, ил зягIипдешлизивад вебкIалли итил дунъяличи шагъидли аркъян. Сагъвиалли, бунагъуназивад умувирар».

Идбагли **ﷺ** Абу Гъурайрази иб: «Нуни хIед къадричебси ца дигIяндеш гIаргIири: зягIипикибси бурушла кайхъи, итмадан ишди алли:

«Ла илагъа илла ллагъу юхий ва юмиту ва гъува хIаййун ла ямуту ва субхIяна Ллагъи раббийль гIибади вал билади вал хIямду лилагъи хIямдан касиран, таййибан, мубаракан фигъи гIяла кулли хIялин ва Ллагъу акбару кабиран кибриягъу ва джалалугъу ва къудратугъу би кулли маканин, Аллагъумма ин кунта амразтани ли такъбиза рухIи фи марази гъаза фагIал рухIи фи арвахIи ман сабакъат лагъум минкал хусна ва агIизни мина ннари кама а'азта улаика ллазина сабакъат лагъум минкал

хусна», ибси Аллагъли уцахъу.

УбкIусила мякълавсини дурес гIяхIти дугъби

Аллагъла Вакилли **ﷺ** иб: «УбкIусила мякълав кIаршиикибсини «Ясин» сура белчIалли хIябла гIязабти кункдирар».

ИлкIяйдали бурили саби, убкIусила мякълаб «АрагIд» сура бучIаллира бекIала гIязабти кункдирар.

Идбаг **ﷺ** мицирли левхIелира убкIусила мякълаб иш дугIа бучIусири:

Аллагъумма гъфирли гъаза фуланин бну фуланин (бурес чи ва чила



ВебкIили гIергъила гIямру

МУХIЯММАД ХIУСАЙНИЮ

урши саял) ва баррид мазджагIагъу, ва вассигI гIялайгъи къабрагъу ва агIтигъи ррахIата багIдал мавти ва алхIикъгъу бинабийгъи ва жавалли нафсагъу ва сагIгIид рухIагъу фи арвахIи салихIина ваджмагI байна на ва байнагъу фи дари табкъа бигъа ссихIату ва язгъабу гIанна фигъа насабу ва ллугъубу. Аллагъумма салли гIала расулилагъли салла ллагъу тагIяла гIалайгъи ва саллам» ил тикрарбурсири.

УбкIусилизи се буралли гIяхIси

Идбагли **ﷺ** иб: «ХIушани къайгъибараея убкIуси Ла илагъа илла ллагъа» викIахъес.

ВеГIла гIергъи илди дугъби дурисси, Алжайзи аркъян. ИлкIяйдали, хIушала дурхIнала цаибти илди дугъби диахъесра къайгъибараея. ВеГI гIалар ва ВеГIла гIергъи илди дугъби дурисси, азир дус хIериаллира, ил жавабличи витIхейкIу.

УбкIуси Аллагълизивад урухIес, иличи хъарахъес – хуликIес чебиркур.

ВебкIес хIябал бархIи гIалав Идбагли **ﷺ** иб: «ХIушазивад чи биалра Аллагъла **ﷺ** уркIециличи хуль ва Аллагъ **ﷺ** сунечил гIяхIил виарар ибси умут хIебердахъили ахIенси вебкIааб».

Гъачам убкIусиличи гъаввакIибси Идбагли **ﷺ** суалбарилли сай: «Сен саби аги?» жаваб – «Бунагъуназивад урухIулра ва Аллагъла **ﷺ** уркIециличи хуликIулра». Илгъуна

жаваб аргъибси Идбаг **ﷺ** викIули сай: «Илди кIел хIял сунези духIнадуцили чи вебкIаллира (урехира умутра), Аллагъли **ﷺ** илис хуликIусира луга, ил урухIусилизивад мякIкамравиру.

Пурра илини иб: «ХIушала Аллагъ **ﷺ** викIули сай: «Нуни дила лагълизи кIел урехира, кIел урехи агардешра цалахIедирхъис. Ванзаличив набзивад урухIусилис, Ахиратлизив набзивад урухIес хIяжатдеш агара. Ванзаличив набзивад урухIекIуси, Ахиратлизив дила гIасидешлизивад урухIкIааб». Къиямала бархIи Аллагъли **ﷺ** сунела лугърази суалбиру: «Дигулраяв хIушаб набчил кIаршидикес?», «Ге, нушала паччяхI», – жаваб чарбалта. «Бунагъуни лерли

иклис.

Дунъяличир кадиркути лерилра анцIбукъуни къелгIердикули саби авал малаикли. Лерилра дугIби – Джабраилли, рухIани – Израилли, забла лерилра кунтIри ва дугIби – Микаилли, Исрафилли лебтачилра диахъули сай ЧевяхIси Къудратла ВеГIла **ﷺ** хIябал хъарбаркъ.

Якъуб идбагли **ﷺ** Малакуль Мавтлизи, дунъяла декIар-декIарти мерачиб кIаршибиркути адамтала, ца заманализир секъйядали рухI айсулри или суалбарилли сай. – Аллагъли **ﷺ** ил шайчиб кумек акIахъуб, гъарахъдешуни гъамдарилли, наб ванза адам укахъес беркайчил гъалабихъибси къумургъуна саби: Ил къумурлизибад чидил дигара секIал касили укесван гъамадли саби. Ванзала къакъIичивси чинавси дигара адамла рухI асес. Илала дуравадра, дуги-хIерила ухIнав гIарил юртлизи кIина хIерилзулира, илав ил бархIи рухI асес адам левал багъес багъандан, – илгъунари жаваб.

Гъалаб адамти зягIипкибили бубкIутири. Ил багъандан адамти илис бургъутири, саби кадуршулра или. ИлхIели ЧевяхIси Къудратла ВеГIли **ﷺ** зягIипдеш, бехIемцIуни ва сабабти акIахъуб бекIалис. Пур адамтани Малакуль Мавтличила хъумуртес бехIибхъиб бекIа жура-журала зугIлумачил бархIабсахъули.

Нушала Идбагли **ﷺ** иб: Мусас **ﷺ** гъалабси манзил Малакуль Мавт адамтачи вашусири дакIугъаргли. Мусачи **ﷺ** вакIибхIели Малакуль Мавтла хIуллизилли тIул къузбарилли, хIули дураибсири. Малакуль Мавт Аллагълизи **ﷺ** гIярзухъунси сай, валлагъ Муса **ﷺ** хIела дигуси лагъ хIейалри, илала рухI айсухIели гIязабуркIаси или. ИлхIели Аллагъли **ﷺ** Мусачи **ﷺ** чихъри бархъибси Сай унцIа кабциличи някъ чебуцахъес. Ил някъла удир чум гъез лер диалра, сунес илцад дусми дедлугас хIериахъес или. Илгъуна багъахъни бакIибхIели, Мусани **ﷺ** суалбарилли сай: «Ил заманала ухIнав ну убкIусу?» или. УбкIуд или бурибхIели, илини иб: «ХIебиалли дила рухI гъаннадал асаб». ИлхIели Малакуль Мавтли Алжайзибад бизили тIембикIуси «РайхIанат» бикIуси, занзачиллис бухъала гъасили, ил къизбухъахъи, иличирли рухI асибти сари Мусала. ЧевяхIси Къудратла ВеГIли **ﷺ** Малакуль Матла хIули сунела мерличичарбатурси саби. Илис гIергъи рухI асес дигIянали вашес вехIихъибси сай.

Адам вебкIибхIели илала тухумти бисес-вявбикIес бехIибхъалли, вебкIибсила рухIра някъбази дуцили, илдала урга тIашизурли, Малакуль Мавт викIуси сай: «Валлагъи гIязим, ишала рухI асили, хIуша вяв-чIардикIахъеси бархъагардеш хIебарира. Сунес чебаахъибси заманализир жявли рухI асили, бекIа къалабахIебарира, ишис чебаахъибси ризъки нуни хIеберкунра. Ну Аллагъли **ﷺ** вархъибсира. Илала хъарбаркъ таманхIебарес хIейрус. Аллагъла **ﷺ** къадарличичи разили каладали, илини шабагъатладирудая, бекIализивад биалли чилра верцес вирус ахIен. ХIуша сецад дисадаллира, ну хIушачи вашули, цацали хIушала рухIани ардихис».

(Хъарахъуд бирар)

Арадеш

Варъа ва лимон

Рахли хушаб бугърагили биалли, дарили чай ила лимонна ца-кел кесек ва варъала 1 чайла кюлса гудурбарилли держая. Амма чай ванати диэс гъягнитти сари лимонна ва варъала пайдаллати витаминти калахъес багъандан.



Мамалгъя (малина) ва хурла вавни

Дерубти хурла вавназирада чай дарили, ила мамалгъя ва илдала кляпъри гудурдарая. 30 минутлис кляпъдарили датирая. Щедеш лерли хъедяллы мурраба бархаэс витар.

Низгъари (шиповник)

Илизир имцъали дахъал витаминти дирар, хаслира – С витамин. Дерубти ва дигъандаритти низгъарила

(3 халати кюлса) руржурти шинна 0,5 л. кертъили термослизир шала-дикайчи датирая. Савли 1/2 стакан бархъилис авна, беркесилис 30 минут гъалар дужая.

Низ ва итан жерши

Бугърагили хъехъ, гъемч бара да-гъардухъунмад хушаб иш рецептли бусягъат кумекбиру. Ванати ниълизи итан жершила 10 клянтъи кадикахъили дугели бержадалли, савли аги ункъ-бирар.

Дерубти щедешла компот

Бугъархъели дерубти щедешла компотли къаркъайчи халаси асар биру. Ванати шинни дирцили, хъяр-би ва гъинцъи клянтъидиайчи делхъес гъягниттибиркур. Гур дерубти курега ва дерубти кьякянти, бегъла гъергъи биалли кишмиш. Компот садаибхъели ила лимонна сок ва варъа дархаэс витар.



Имбирь ва лимон

Бугъархъели иммунитет ахъбуцес кумекбиру имбирьли. 1 стакан ванати шинна, 1 халаси кюлса варъала, 1 халаси кюлса лимонна сока, 0,5 чайла кюлса бибгъанбарисси имбирьла ва ца пис корицала. Илкъяйда дерубти шумерила ца-кел кляпъи дархаэс витар.

Мямури (кюквя) ва янцъари (брусника)

Илди келъра щедеш чакарличил дархаили 3:1 бутъаличи, 2 халати кюлсаличи 0,5 ванати шинна стакан кертъили гудурдарая ва держая.

Ишди лерилра чедир гъандушитти рецептуни, бугъарси замана къаркъа иммунитет ахъбуцес кумекбиру. Дяргъили зягъипдикили диадалли, жявли сагъдияхъесра.

Багъирая

Гъагъикъни – азгъиндешла ва анцъбукънила лишан саби. Ил багъандан Аллагълис ﷻ хъейгахъу гъагъикълутти. Шяйтъан биалли гъагъухъунси чеалли разибирар. Гъагъибхъели някъли мухъли кляпъбарес ва «Астагъфируллагъ» эс чебиркур. Идбагла ﷻ хъядислизиб бурули саби: «Чили биалра гъагъиралли някъ мухълиличичи чебуца, сенкълун ила шяйтъан бухнабухъес бирар».

Гъемчбушитти гъягнитти

Гъемчикъни – адамла саби-сабил бетаруси саби, илхъели гъягъикълутти дирклянти умудироти сари. Ил багъандан Аллагълис ﷻ баркаллагъ багъахъес гъягнитти саби: «Альхъамдулилляхъ» или.

Гъемчбушитти мухъли някъли яра явлухъели кляпъбарес чебиркур, хабарагарли алавчартачи клянтъури кадхъейкахъес. Яра цархъил шайчи шурухъес. Хъядислизиб бурили саби: «Мухъаммад Идбагли ﷺ мухъли кляпъбирусири ва гъама гъяшбирусири».

Гъемчбушитти гъергъи Аллагъ ﷻ гъанушили «Альхъамдулиллягъ» ируси саби. Мякълабтани биалли «Ярхъамукаллагъ» (Аллагъли ﷻ уркелъчи бараб хъечи). Гъемчбушайли жаваб чарбалтуси сай: «Яхъидкумуллагъу ва юслихъу балякум» (Вархъараби Аллагъли ﷻ бархъси гъунчи ва аги гъяхъибяхъаб). Илкъяйда бикълутти саби сунни гъемчбушайли Аллагълис ﷻ деза барили «Альхъамдулиллягъ» ибхъелисун. Илкъяйда хъеалли хушанира илис балга мабуридая.

Бугърагили гъемчикълусилис илкъяйда ируси ахъен.

Муслимат

Хъунул адамли дехъибала дирнила хасдешуни

Аллагъли ﷻ къабулхъедир дехъибала хъунул адамли кляпъхъериубли даритти.

Дехъибала дарес багъандан хъунул адамлис дазала дарес черти сари. Дазала халдирути сари лерил шуртгъарчил дарили диалли. Илди сари: никубачибад ва цархъил мераначибад лак ва краска убасни, лерил ицугти бирклянти шинни хъяйна дирцини.

Дехъибала дирухъели, хъунул адамла лебил къаркълала кляпъли биэс гъягнитти саби, бекъ някълбира дяхъирацун ахъенти. Палтар шала дурахъейути, къаркъл бирклянтачи чехъедетаитти диэс гъягнитти сари.

Някълби «Аллагъу акбар» ирухъели дебали ахъли кахъедурцу. Сужда бирухъели дируцад чукурдиубли диэс чебиркур. Рахли, хабарагарли, биштъатани сегъуна биалра биркълан гъаргбаралли, итмадан кляпъбарес гъягнитти саби дехъибала къабулдарахъес багъандан.

Мурул адатас кълъада, хъунул адатасра мижитлизи башес асубирар. Цали Мухъаммад Идбаглизи ﷺ хъарбаили сари, асубирарал сунес Идбагъ ﷺ вашуси мижитла дехъибайчи рашес или. Идбагли ﷺ жаваб бедили сай, хъед хъела хъулрала мякълабси мижитла рашадли гъяхъси саби, гъатгъира гъяхъси саби хъяйгир дарадли, или.

Мижитлар декларси дякълра биубли, хъунул адатлис мурулли пурбанбаралли жамигъятла дехъибайчи рашесра асубирар, имамла вятгъаличи лекъахъесра, амма илра чарагарси

ахъен. Мурул адатти цахънабиркуси мерлаб хъунри хъебиаллира гъяхъси саби. Хъулирти хъянчи ва биштъати хъунул адатличи хъарли диъни багъанданра, мурул адативан гъарил дехъибайчи мижитла рашес хъу-



нул адам сеналра хъерирар. Илизиб мурхъси гъякълура леб.

Мухъаммад Идбагла ﷺ ца асхъябла жагаси хъунул руили сари. Ил гъаман мижитла дехъибайчи рашули руили сари. Мурулла иличи хъясаддеш алкълулихъалли, ила рашахъес къл-

дагъабаресра вирули ахъенри. Илхъели илини ца гъямал пикрибарили сай. Дигъяникили ил ляркъуси манзил, илини чехъеэсли, хъунуйс гъелайзи дикахъили вебшили сай. Хъули хъунул пашманни чарриуб,

лас». Илкъяйда цали сунела масъала арзибсири.

Мурулли хъунуйс ва биштъатас имам виубли дехъибала диралли, иди лебтасалра 27-на шабагъат имцъабирули саби чула дехъибайс. Кълкъяличил даритти дехъиба лебилра бусурмантала цагъунабдеш чебилахъу, иман имцъабиряхъу, бунагъуназибад умубиряхъу. Цунни дирути дехъибайзир се биалра убкалалли, кълкъяличил дирути жамигъятла дехъибайзир селра убкадхъела, имамлис гъеларад дирути сархъели.

Имам Шафигъила мазгълб хъясибли хъунул адатлиса кълкъяличил даритти дехъибала асудирули сари. Хъунул адатала ургар ца имамли декларрили, масала, Рамазан базла таравихъи дехъибайзир. Имамли декларриуси сари бегълара иманчерси, Кълъан бархъли бучлес балуси. Гълалаб илини икъамат белчлес гъягниттибиркур. Амма хъунул адам мурул адатлис имам риэс гъеч асухъебирар. Цархъил гълбгъергъидешлизиб мурул адатани ва хъунул адатани дирути дехъибайзир деклардеш агара.

Аллагъла Расул ﷺ дугели ва хъерели улгули илала кълъшми булан демдуртири. Илхъели Гълъшани (р.а.) илизи хъарбиусири: «Сен хъу вахъхъи улгусири, хъелакълун бунагъуни агарти сари». Илини жаваб лугусири: «Асубирару гъатгъи, баркаллагъ агарсили виэс?»

П. ХЪЯМЗАТОВА



- Сен исламлизиб умудешличи халаси пикри бяхичиуиси?

- Ғайғай, исламлизиб умудешлис ва қарқя гигиеналис халаси мер декларбарили саби. Ил марбурули саби ғарил фикхла (бусурмантала низам-қяйда) жузлизибси «Тахара» (умубирни) биқуси бутғализиб.

Аллағла Расулли ﷺ буриб: «Умудеш – динна байхала саби» (Муслим).

Илала дурабад, Идбағли ﷺ хъарбарибсири никуби қицдирахъес, цулби ицахъес, палтаркяш ва хъалица умудешлизир дихляхъес, қарқайзирти гъез урисахъес, муцурличи херуди бирахъес, қарқала умули бирахъес. Қантғли буралли, бусурман адамли сай ва сай алавити мермуса умудешлизир дихлес гяғнили саби.

Чевяҗси Аллағли Къуръаннизиб буриб: «Аллағлиси ﷺ дигахъу пашманбирути (бунағунала чебқад) ва умубирути» (сура «Аль-Бакара», аят 222).

Бусурман адамли, умудеш биралли ва қарқала умули бихялғли сунесра халаси гяҗдеш бируси саби, Чевяҗси Аллағлиси дигахъантазивадра ветаруси сай. Ил бағъандан, саби Исламли умудешличи халаси пикри бяхичиуиси ва умудеш бирахъес нушачи хъарбируси. Мурталра умули дирахлелли нушаб халаси шабағъат лебси саби.



- Клана агарли дарибти дазала сен халдирути? Дехибала дирухлели мурул адамти хлебиалли клана агарли дарес асубирусив?

- Ишаб бурес гяғнибиркур, хъунул адамла гаврат сари черас бирути адмтазибадра дигахъуси саби. Дазала дирухлели мяхрам ахленти цархилти мурул адамти мякляб леблира гаврат ғаргбарес асухебирар. Ил бағъандан қяйғибарая дазала дирес имцати адамти агарси мерлаб. Бек гъарғли дарибти дазала диаллира илди халдирути сари. Амма дехибала дирухлели Шаригятли кабизахъурси хясибли, бекра лерилра цархилти биркантира кпағли диэс гяғниити сари, някъбира дяхра ахленти. Дехибала илкьяйда хедаралли илди халдирути ахлен.

Хурматла узби ва рузби!

2017 ибил дуслис «Ас-салам» газеталис кълбасбирес даимбиубли саби.

Газета кълбасбарес вирар чиди-дигара почтала отделениелизиб. Илкьяйдали Дағиста лерилра районтазибти нушала хянчизартачибад.

«Ас-салам» газета кълбасбирули, Дағистайзиб Ислам тинтибирнилизиди хушалара пай кабирхулра. Кудратла ВеҒ Аллағли нушала урқбазиб иманра, Исламра, динничи дигира имцадараб. Дусла духнар дурадулхъути газетабала бағни бузри хясибли дарсдиқлар! Дирхулра, нушала бучланти газета агарли кахлевлан.



- Ислам диннизиб арцлис ахли картабани виркьес асубирусив?

- Бусурмантала диннизиб картабани виркьес асубируси ахлен – хаслира арцлис. Картабани биркьули адмтани дугли замана буркьули саби Аллағли ﷺ нушаб гисби бузерилис, балга-дугля дирахъес, дехибала дирахъес, Къуръан бучлахъес.

Картабани виркьес асухебирар гергьити сабабти хясибли:

- Дугли буркьуси замана, я иш дуньяличиб я итил дуньяличиб пайда агарси.

- Картабала хяз мешубурцули саби иштяҗличил бируси нардыбала (шеш-беш) хязличил, сабира Исламлизиб қядағъабарибси. Хядислизиб иличила бурули саби: «Шеш-бешли виркьуси адам мешуси сай сунела някъ цурала диғлизи ва хилизи қячбилкусилчи».

(Муслим, № 4194).

- Хязла замана хязли биркьутала урғаб гьими, дяғбирти, гясидеш алкьули дирар.

- Илғуна иштяҗличил хязта биркьалли Аллағличила ﷺ, дехибайчила ва цархилти адмлис багалати секлачила адмтани хъмуртули саби.

Хядислизиб Идбағли ﷺ бурули саби: «Ғарил секлал, сунезибра Аллағличила ﷺ гъанхлебуруси, замана дугли буркьниличиб ва хязличи мешуси саби. Авал хязла секлал асудирли сари: қяйқиклахъес бурсибирни, ябу руркьни, куртликес бурсивиғни ва хъунуичил хяз бирни».

(Ан-Насаи, Бағави, Табарани).



- Хябрази вякьунхлели Къуръаннизибад се белчлалли гяҗисиди?

- Жумяғ бархли сунела бегтала хябличиб чи укьялра ва «Ясин» сура белчлалра, ил сурализирти хурприцад илала бунағуни урисути сари.

Мицирли лебалли сунела бегти инжитбирули яра илдачи лехлехлехули калунси адамти, илди беклиги гергьити илдала хябрачи вякьи балга-дугля делчлалли, ил чула бегтани разидеш сархибти адмтала луглилизиди кархахъуси сай.

«Аятул-Курсий» белчлалли ва хябрази хярибихьитала хурмат баралли, Аллағли ﷺ ғарил хяблизир нур улкахъути сари, хябрала бухнала илабтас ғарзабирахъуси саби.

Цархил хядислизиб бурули саби, эгер хябличиб «Ясин» белчлалли ва хяблизитала хурмат баралли, илди чибси хлак камбируси саби, «Ясин» белчлунсилис биалли илди хябразир чум хяб лердиаллира илдицад гяҗити баркьудлуми лукьути сари.

Хурматла узби ва рузби!

Динничил дархдасунти, «Ас-салам» редакциялизи яра даргала «Ас-салам» газетала редакторличи суалти лердиалли, хушани телефонна иш гергьисиди номер хясибли зянкьдяхъес дирудая:
+7 (928) 512 55 35.

Диубсигуна кумек бирехле, ин шаа Аллағ!!!



- Асубирусив мағъар дихъес дудешла рурсилчи нешла уршилди?

- Хъунулла цара муруйзирад акьубси урши ва мурулла цара хъунузирад акьубси рурси цалис ца гъамти (мяхрам) ахлен. Рахли илдала цархил журала тухумдеш хлебиалли. Илдала бегти мурул хъунул биалли, цара дирғалабулхъуси гъамдешра хлебиалли, илди урши-рурсилис мағъар дихъес асубирар.



- Дила неш хяж барес хулриқусири, амма ил барес ралкьхлеурли ребклиб. Ғанна наб илис қядин хяж барес асубирару?

- Вебклиги агарси адмлис мицирли левалли хяж барес дигули ахъибси виалли, илис қядин хяж барес асубируси саби, илала харжани пайдаладарилицун.

Эгер илала вебклиги гергьити хяж барес бағъандан харждарес арц кахлели диалли, илала наслулизибадтасра илис қядин хяж барес асубируси саби чула харжаначил, чус дигули ахъили гергьити. Амма ил барес чебси ахлен. Илхлелира вебклибсилис қядин хяж бируси сунени дурхъаси хяжла чебла таманбарибси виэс гяғнииси сай.

Рузнама

Апрель

	Пян-ручла Ас-Субхл	Берхли абухни	Херейсла Аз-Зугър	Дақъа Аль-Ғаср	Маркля-чила Аль-Мағъриб	Дугила Аль-Ғишағ
1	03:53	05:31	11:56	15:29	18:17	19:47
2	03:51	05:29	11:55	15:30	18:18	19:48
4	03:47	05:25	11:55	15:31	18:21	19:51
6	03:43	05:22	11:54	15:32	18:23	19:53
8	03:39	05:18	11:53	15:33	18:25	19:55
10	03:35	05:15	11:53	15:34	18:28	19:58
12	03:31	05:12	11:52	15:34	18:30	20:00
14	03:27	05:08	11:52	15:35	18:32	20:02
16	03:23	05:05	11:51	15:36	18:34	20:04
18	03:18	05:02	11:51	15:37	18:37	20:07
20	03:14	04:59	11:51	15:38	18:39	20:09
22	03:10	04:56	11:50	15:39	18:41	20:11
24	03:06	04:52	11:50	15:39	18:44	20:14
26	03:02	04:49	11:49	15:40	18:46	20:16
28	02:58	04:47	11:49	15:41	18:48	20:18
30	02:54	04:44	11:49	15:42	18:51	20:21

Рузнама Мяхячкьалала шағарлис саби

Рекомендовано каноническим отделом Муфтията РД для г. Махачкалы